

Die Nagglmaiern.

Mein Mann is also iver Nacht kaiserlich deitscher Reichsberger worre. Jetzt wäre mer all unner eem Gut. Aus dem eene Gut, unner den die Deitsche sein Lebtag gewollt hawe, is freilich mit d'r Zeit e Bildhaub worre. Awer des dhut nix. Dann daß die Bildhaub in Fall d'r Franzosenoth aah e Gut am Rhein is, hawe mer, denk ich, jetzt deitlich genug g'sehe. — Die nei deitsch Fasson wär also so weit fertig. Jetzt kumme mer an's Zigl. Mit de deitsche Reichsdagswahl mache mer de Anfang. — Soodele, Männer. Jetzt kloppt eich un beist eich, so lang'd'r wollt. Re Franzos un ke Engländer, ke Russ, ke Italiener un ke Schbannier derf eich mehr in de deitsche Kroom babble. Ihr seid for eich, ihr seid in eierm Haus, un die Ohier is zu. Es kann sich jetzt Niemand mehr in d'r deitsche Nachbarschaft iver Ruhesteerung beklage. Die große Lecher, die unser alt deitsch Bundespallee im Frankfurter Escheheimer Gäßl g'hatt, kann jetzt so glatt zugemauert werre, daß uns vorderhand ke ausländier Schbake mehr neinbaue. Die nei breitsch Schbik, die als Blihableiter druff g'stellt worre is, werd davor sorge, daß in die deitsch Herrlichkeit ke Gewitter mehr schlägt. — Wann ich noch dran denk, Leitche! War des immer en Kroom in d'r deitsche Nachbarschaft, wann mer uns emool e bissl geriecht hawe. Wst! Schtill dodrime, hott's do gleich vun alle Seite g'heefe. Wollt'r g'schickt sein, odder naus! Jawohlche! Wann's noch eweil so fort gange wär, hätte se uns ball noch zum eigene Haus nausg'schmisse un all niwer nooch Amerika geliffert. Was hott uns per Exempl vumme Beischbiel norr unser liewer Nachbar Hans Dän nit alles angedhan! Wann's dem eing'falle is, hott'r uns, mit Reschbekt zu sage, en Dritt vor's Sinnerquartier gewe. Un doberzu hawe mer immer meislichsttill sein solle. Dann hawe mer uns driver gemuckst, hawe mer ball de russische Nachbar



Belznickl, ball de englische Nachbar Bullebeiser, ball de zivilisirte Nachbar Franzmann am Hals g'hatt, so daß mer oft Keine grad hawe sein losse, un um de liewe Friede wille 's Maul g'halte hawe. — Des Ding is jetzt alles annerscht worre, Leitche. Wer uns jetzt nit in Ruh lost, kriecht eeni so uff die Summerzeit, daß'r de Schtroosburger Minschter for e nei deitsch Ausrufungszeiche ansieht. So is es! — Daß mer noch immer deitsche Patriotte hawe, denne die nei deitsch Herrlichkeit e Dorn im Nag is, weil sich die Welt nicht schbeziell um ihr Kepp dreht, is traurig, awer wahr! Es gibt deitsche Kannegießer, die's heit noch gern sehe dhäte, wann d'r Chremann Garibaldi mit seine zammegewerfelte Petroleumschitze in de badische Schwarzwald rimer gebickt kämt. Un warum? weil'r en Republikaner is. Daß'r en Republikaner is, werd'm ke Mensch vun uns iwl nemme. Kondroleer. Wann mer emool die Republik, wie jetzt 's nei deitsche Kaiserreich iver Nacht uff'm Bräsendirdeller gebrocht kriech, nemme mer aah die Republik! Daß awer der große Republikaner Garibaldi, der uns Deitsche zu verdanke hott, daß sein Vatterland vun de Geschreicher in Benedig un vun de Franzose in Rom sauer worre is, jetzt mit uns Krieg fiecht, is miseraawl vun'm, un vor so'me Republikaner haw ich ke Reschbekt mehr. Wer Luicht hott, kann's'm schreime.

So schtehn aweil die nei deitsche Kaiseractie, Leitche! Ich bin zwar nor e einfachi Fraa im gewerfelte Unnerrock, die sich vun Gott un Rechtswege mehr um ihrn Kochleffl in d'r Rich, als um die Bollidit im deitsche Vatterland bekimmere sollt. Wann ma awer oft Männer anheere muß, die die deitsch Bollidit, die jeder deitsche Mann dreime soll, jeder Augeblick durch de Hoffesack falle losse, wann se e Siegesbeisch vum Mosie Gambetta lese, do iss es ke Wunner, wann d'r deitsche Patriotismus aah alsemool d'r Fraa in de Waage fahrt, so daß'r die deitsch Gall bis in de Hals ruff schteigt. Un so krawlts mir heit unnerm Fischbeenlewl. — Wann ich mer per Exempl aweil norr die bairisch Schwarzweschkammer bedracht! Die Baiere schtehn im Feld, un blute for die deitsch Einheit, un die sogenannte Patriotte in d'r bairische Kroom wehre sich mit Händ un Fieß in's nei deitsche Reich einzudreete, un wolle ihr Vatterländl milere chinesische Mauer einschließe. O ihr Zwiesler Luftballonritter! Schnell eich uff de nei deitsche Reichsbodde, sunst kummt'r hinner de Mond. Hecht eich an de Waidebeem un lost de Hoorzopp fahre! —

Die Heidelberger Localgemies is mit'm beschte Wille aah heit nit uffzudreime. Seit mer Krieg iver d'r Grenz hawe, sinn die Leit dabeeem so g'schickt, daß nix B'sonders durch die Hechl zu ziehge wär. — Daß manch Heidelberger Weiwel bei d'r Uffnahm vun unsere nei deitsche Reichsberger en gelinde Schreck in de Leib kriecht, weil se gemeent hott, jetzt kämt die Reich aah emool an ihrn Mann, iver de Rhein zu marichiere, is zwar wahr, awer zu komisch, um e weiter Wertl in der ernschte Zeit driver zu verliere!

Druck und Verlag von G. Weisendörfer.